



Broj: 02-05-1845/19
Trnovo, 10.6.2019. godine

Na osnovu člana 70. Zakona o javnim nabavkama („Službeni glasnik BiH“, broj 39/14), a na Preporuku Komisije za provođenje postupka javnih nabavki broj 02-05-1845/19 od 10.6.2019. godine, u postupku javne nabavke radova – Izgradnja infrastrukture u obuhvatu poslovno-sportskog centra, Općinski načelnik je donio

ODLUKU

o izboru najpovoljnijih ponuđača za nabavku radova – Izgradnja infrastrukture u obuhvatu poslovno-sportskog centra

Član 1.

Prihvata se Preporuka Komisije za provođenje postupka javnih nabavki, broj: 02-05-1845/19 od 10.6.2019. godine i ugovor za javnu nabavku radova Izgradnja infrastrukture u obuhvatu poslovno-sportskog centra, dodjeljuje se ponuđaču Konzorcij: Almy-Transport d.o.o. Zenica, Bistua Nuova do broja 17. i D.o.o. Dolovi Sokolac, Marka Ećimovića 84., ponuda broj 17//19 od 10.5.2019. godine, za ponuđenu cijenu u iznosu od 3.152.703,88 KM bez PDV-a, kao najpovoljnije ocjenjenog ponuđača. Nalaže se nadležnoj službi finansija da obezbijedi nedostajuća sredstva od 246.720,98 KM bez PDV-a kroz rebalans budžeta za 2019. godinu, ili kroz planiranje budžeta za 2020. godinu.

Član 2.

Prijedlog ugovora o nabavci dostavit će se na potpis izabranom ponuđaču u skladu s odredbom člana 98. stav (2) Zakona.

Član 3.

Za izvršenje ove odluke zadužuje se i ovlašćuje nadležna služba Općine.

Član 4.

Ova odluka objavit će se na web-stranici www.trnovo.ba, istovremeno s upućivanjem ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-05-1845/19 od 25.3.2019. godine.

Javna nabavka je provedena putem otvorenog postupka sa međunarodnom objavom.

Procijenjena vrijednost javne nabavke bez PDV-a je 2.905.982,90 KM.

Obavijest o nabavci broj: 886-1-3-20-3-13/19 na Portalu javnih nabavki objavljena dana 29.3.2019. godine.

Komisija za provođenje postupka javnih nabavki dostavila je dana 10.6.2019. godine izvještaj o radu broj: 02-05-1845/19 od 10.6.2019. godine, izvještaj o ocjeni ponuda i Preporuku o izboru najpovoljnijeg ponuđača broj: 02-05-1845/19 od 10.6.2019. godine, u postupku javne nabavke radova **Izgradnja infrastrukture u obuhvatu poslovno-sportskog centra.**

U postupku po izvješću o radu je utvrđeno je da je Komisija za provođenje postupka javnih nabavki blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1,
- da je blagovremeno zaprimljeno 1 ponuda.
- da je neblagovremeno zaprimljena 0 ponuda.

Da je ponuda prihvatljiva.

U postupku donošenja ove odluke, posebno su cijunjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

E-aukcija nije zakazivana iz razloga što je u postupku dostavljena samo jedna ponuda. Predmetna ponuda je za 246.720,98 KM bez PDV-a veća od procjenjene vrijednosti. Tačkom 10. tenderske dokumentacije, predviđeno je da se ugovor potpisuje na 24 mjeseca. Kako u konkretnom slučaju ponuda ponuđača ne predstavlja veću vrijednost od 10% od procjenjene vrijednosti, to se nakon razmatranja prihvatila ponuda ponuđača, dok će se nedostajuća sredstva obezbijediti kroz rebalans budžeta za 2019. godinu ili kroz planiranje budžeta za 2020. godinu.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

R.br.	PONUĐAČ	Rangiranje ponuda prema kriteriju za izbor ponude bez PDV-a
1.	Konzorcij: Almy-Transport d.o.o. Zenica, Bistua Nuova do broja 17. i D.o.o. Dolovi Sokolac, Marka Ećimovića 84.	3.152.703,88

Ponuđači su rangirani primjenjujući kriterij najniže cijene, na osnovu kojih je utvrđen i njihov sukcesivni red, odnosno od najuspješnijeg ka najmanje uspješnoj.

Na osnovu naprijed navedenog, odlučeno je kao u članu 1. Odluke.

POUKA O PRAVNOM LIJEKU

Protiv ove odluke može se izjaviti žalba u roku od deset dana od dana prijema Odluke o izboru najpovoljnijih ponuđača. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri, kako bi mogla biti uručena izabranom ponuđaču kao i drugim strankama u postupku.

Dostavljeno:

1. Ponuđaču
2. Finansijama
3. U spis predmeta

Općinski načelnik
Ibro Berilo